

Shah tuh ki scooter bad jah kawei ka thuk thuk

Shillong, Rymphang 14: Ka khubor ba la ioh na ki pulit la iathuh ba u Bah Sardonyx Pasleñ u la phah ka jingujor ba ha ka 9 tarik mynta u bnai ha ka por kumba 9 baje mynmiat, ki runar bym lah ban ithuh ki la tuh ia ka scooter jong u kaba don u nombar ML-11-8521 na Laitumkhras, Shillong.

Shuh shuh ha kawei pat ka jingjia, ki pulit ki la iathuh ba ha 11 tarik mynta u bnai, ki runar bym lah ban ithuh ki la tuh kawei ka thuk thuk kaba la long trai da u Arun Kumar Hajong najan kawei ka jaka kaba hajan Police Reserve Hospital, Shillong.

Ha kawei pat ka liang u Frickstone Marak u la phah ka jingujor ba ha ka 9 tarik mynta u bnai ha ka por 1 baje mynstep, ka scooter jong u kaba don u nombar ML-13A-8819 la shem ba ka la jah napoh Resubelpara (NGH).

Ujor u rangbah ba shah sei ka pisa na account khlem ka jingtip jong u

Shillong, Rymphang 14: Ka khubor ba la ioh na ki pulit la iathuh ba uwei u nongshong shnong uba sah ha nongbah Shillong u la phah ka jingujor ba ha ka 18 tarik u Kyllalynkot, 2026, ka pisa jong u, kumba T. 18,000/- la shah sei khlem da iohbor napoh ka Bank account, bad ia kane la leh ruh khlem da ka jingtip jong u.

Balei ka India kadei ban pyndonkam ia ka AI ban iada ia ki mar rep ba ka pynmih

Da ka Rubal Chib

Ka jingiakren jong ka India shaphang ka artificial intelligence ka la nang iaid shaphrang. Ka jingpyrkhat ka kylla na ka jinglah kaba rit sha ka jingktah kaba lah ban pyndonkam; naduh kaei kaba ka AI ka lah ban leh ha ka jingpyrkhat haduh kaei kaba ka lah ban pynbeit ha ka jingtreikam. Ki bynta kiba pynpaw shai ia kane ka long ha ka bam bad ka rep ka riang, ha kaba ki jingbymlah treikam kim dei kiba rit hynrei kiba long ryntih, bad ha kaba ka teknoloji ka dei ban treikam hapoh ki jingshisha ba jylliew jong ka jaka jong ka jinglong ka suiñbneng, ka jingpynpoi mar, bad ki iew ki hat.

Ki rukom bam ki pyni shai ia ka jingeh. Ka India ka pynmih palat ban ia kaba ka donkam ban ai bam ia ki nongshong shnong jong ka, hynrei la antad ba 68 million ton ki jingbam ki duh man la u snem, ha kaba 35-40% na ki soh bad ki jhur ki duh noh hadien ba la dep rep namar ki jingthut namar ka jingbym pynpoi beit, ka jingbym biang ka jingpeit bniah ia ka jingbha, bad ki jingpynpoi marbam ki bym ryntih. Ka jingeh kam dei ka jingpynmih, hynrei ka jingduh kaba lah ban lait. Kane ka jingduh kam dei ka jingmih na ka jingduna, hynrei na ka jingbym iahap-hapdeng ka jingrep bad ka jingpynponkam, hapdeng ki jingtip bad ka jingshim rai. Da ki snem, ka jingbym don ki jingtip kiba lah ban shaniah, kiba shisha shaphang ka jingbha bad ka por ka la buh jingeh ia ki nongrep bad ki nongpyniaid jong ka ri India. Ka artificial intelligence, haba la shna na ka bynta ki jinglong jingman jong ka ri India, ka ai ka lad ban pynbeit ia kane ka jingduna.

Ong 'EM' ia u drok bad ki jingdih ba sniew bad ong hooid ruh ia ka pule puthi: Bah Renikton



U Bah Renikton ba shongdurlang bad ki khynnah skul JNV

Mawkyrwat, Rymphang 14 : Ka Jawahar Navodaya Vidyalaya (JNV), South West Khasi Hills District lyngba ka tnad pule puthi jong ka sorkar India mynta ka sngi ka 13 tarik u Rymphang 2026 ka la ioh ban pynlong ia ka prokram ba kyrpang ba la tip kum ka 'Football to School (F4S)' hapoh ka Hall jong ka JNV, South West Khasi Hills District ha kaba u Bah Renikton Lyngdoh Tongkhar uba dei u MLA ka Mawkyrwat Constituency kum u kongsan.

Lah ban kdew ba ka jingthmu jong ka Football for Schools (F4S) ka long ban noh synñiang sha ka jingngang jingstad, ka jingroi ha ka ialehka, bad ka jingpynkupbor ia kumba 700 million ngut ki khynnah. Ka wad ban pynlong ia ka phutbol kaba kham suk ban ioh ia ki khynnah shynrang bad kynthei ha kylleng ka pyrthei da kaba pynrung ia ki kam phutbol ha ka rukom hikai, ha ka jingiatreilang bad ki bor ba dei peit bad ki

nongshimbynta. Ia kane ka F4S la sdang ha India da ka Fédération Internationale de Football Association (FIFA).

Shuh shuh ia kane ka prokram la pynlong lyngba ka jingiatreilang bad ka FIFA da kaba ki la ioh ban ia ki bol kynjat sha ki 18 tylli ki skul hapoh ka thaiñ kaba long kum shibynta ban pynshlur ia ki khynnah skul ha ki kam ialehka kynjatbol khnang ba ki khynnah ki ioh lad ban sei ia ki sap ki phong ki jong ki ban pynmlien ia lade ha ki kam ialehka da kaba ong, 'HOOID' ia ka jingialehka bad ong 'EM' ia u drok, ia u duma sikret bad kiwei de ki jingdih ba sniew bad dei ruh ban ong haoid ia ka pule puthi ruh.

Kiwei kiba la donlang ki long Bah B. Jyrwa, MPS, Superintendent jong ki Police South West Khasi Hills District, ka Kong Ritalin Sohkhlet, DSEO, South west Khasi Hills District, u Principal ka JNV, u Nilesh D. Hingmire, ki nonghikai bad ki khynnah skul.

gingeh ha ka khyndew, ka um bad ka bording, kaba iahap bad ki jingkular jong ka India halor ka jingtreikam pyrshah ia ka jingkylla ka suiñbneng bad ka jingpyndonkam kaba don jingkitkhlieh. Ym kum ki jingiarap ban pynroi ia ka jingmih, kiba bunsien ki donkam ia ka jingkylla ha ka jinglong ne ki jingpynrung thymmai, ka jingpeit bniah ia ka jinglong kaba kham bha ka pynbha ia ki jingmih da kaba pynbha ia ka jingiatreilang-kaba iarap ia ka sienjam ban treikam ha ka por kaba biang.

Kaba kongsan lang kumjuh ka dei ka jingai bynta lang ia baroh. Khnang ba ka AI kan shakri ia ka jingbha jong ki paidbah, ka dei ban long kaba lah ban pyndonkam da ki nongishim bynta kiba rit, ym tang da ki karkhana kiba heh. Ha ka ioh ka kot jong ka rep ka riang jong ka India, kata ka mut ki tiar kiba treikam hapoh ki iew ki hat bym long ryntih, kaba kyrshan ia ki ktien trai ri, bad kaba iarap ia ka jingshim rai jong u brierw ban ia kaba wan buji ia kane. Ki teknoloji kiba pynbor ia ki jingai jingmut ki jynjar ban ioh ia ka jingshaniah. Kito kiba iarap ia ka jingshim rai, da kaba ai ia ki jingtip ki bym lah ban iohi, ki kham don lad ban roi.

Ka India AI Impact Summit, ka ban long naduh ka 16-20 tarik u Rymphang 2026 ha ka nongbah jong ngi, ka poi ha ka por ba kine ki jingpyniapher ki nang paw shai. Ha ka pyrthei baroh kawei, ka jingiakren shaphang ka AI ka ialeh pyrshah ia ka jingdon ia ka bor, ki jingbym iahap jong ki data bad ka jingduh ia ka mariang. Ka lad jong ka India ka shong ha kaba pyni ia ka lynti kaba pher, kawei ha kaba ka jingstad

ka long kaba la pyniaid da ki jaka bapher bapher, kaba tip ia ka jinglong jingman bad kaba la pynrung hapoh ki rukom pyniaid ia ka ioh ka kot ba shisha. Ka rep ka riang, ka jingpynpoi mar bad ka jingpynkylla ia ka suiñbneng kim dei ki bynta kiba rit ha kane ka kam, pynban ki long kiba kongsan.

Ka long kaba donkam ban pyrkrhat ba ka AI kam ju pynmih hi dalade ia ka jingktah. Ka donkam ia ka jingsngewthuh kaba jylliew shaphang ka domain, ka jingshaniah bad ki jingshisha jong ka polisi kiba jylliew bad ka jingdiadi kaba jan bad ki jaka treikam paidbah. Hynrei ynda la pyndap ia kine ki jingdonkam, ka AI ka lah ban pynkylla jar jar ia ki bynta kiba la pyrshah slem ia ka jingpynkylla. Ym lyngba ka jingpynthut, hynrei lyngba ki rai kiba kham bha kiba la shim ha ka por kaba biang.

Katba ka Impact Summit ka nang jan, ka kam kaba don ha khmat ki nongthaw polisi, ki riwstad bad ki nongseng kam seng jam kam dei ban pynsted ia ka jingpdang ia ka AI khlem da pyrkrhat, hynrei ban pynjylliew ia ka da kaba pyrkrhat bha. Dei ban thew ia ka jingjop ym da ki benchmark model, hynrei da kaba peit ba ka jingstad ka iarap ne em ban pynduna ia ka jingpynlut, ban pynskhem ia ka jingmih bad ban pynkhlañ ia ka jinglah ban iaineh. Ha ki kam kiba iadei bad ki marbam, kumba long ha kiba bun ki bynta jong ka jingiaid lynti jong ka roi ka par jong ka India, ka jingnoh synñiang kaba khraw tam jong ka AI ka lah ban long tang ban iarap ia ngi ban shim ia ki rai ha ka por kaba biang.

(Ka nongthoh kadei kawei na ki nongseng jong ka QZense Labs Private Limited).

Iaid paidbah ha Mendipathar ban pyrshah ia ka jingiashongkha khynnah

Shillong Rymphang 14 : Da ki spah ngut ki khynnah skul, ki Nonghikai, ki bor pulit bad ki riw paidbah kiba trei mon sngewbha na ka bynta ki khynnah rit ki la ia iaid paidbah ha ka Sngi Thohdieng ha Mendipathar ban pyrshah jur ia ka jingiashongkha khynnah ne pyniashong kurim ia kiba dang khynnah ka rta ha North Garo Hills.

Ia kane ka jingia iaid paidbah la pynlong da ka District Legal Services Authority (DLSA), North Garo Hills, hapoh jong ka NALSA ASHA SOP bad Bal Vivah Mukh Bharat

Ia kane ka jingiaid paibah la plie da u Deputy Commissioner, Dr. Abhishek Saini bad la iashim bynta da ki dkhot jong ka Royal

Northern Riders, ki khynnah skul, nonghikai na ki skul bapher bapher, ki heh jong ka DLSA, ki pulit bad na ka Tnad Social Welfare (Child Protection Unit). Hashwa ban pynlong ia ka jingiaid paidbah, u District & Sessions Judge u Balaram Joshi, ula pynpaw halor ki jingeh kiba bun bad khamtam ka jingshah pynshitom ha ki kyndon aif ia ka jingpyniashong kurim khynnah.

Ula pynsngewthuh ia ki paidbah ia ka rta kaba lah ban iashong kurim bad ka banjar ba ka imlang sahleng ka dei ban don lang ia ka jingkitkhlieh ha ka ban iada na katei ka rukom leh.

Ia kane ka Rally la sdang na District & Sessions Court, Mendipathar bad la pynkut

ha madan jongka Dilma Higher Secondary School, ha kaba ki nongishimbynta ki la rah ia ki jingthoh bad ki banner, kiba thoh "Em ia ka jingiashong kurim khynnah", "Ai ba ki khynnah kin don ia ka jingangnud ym ban iashong kurim", "Ka jingpyniashong kurim khynnah ka dei ka kam sniew" kum shi bynta ban pynsngewthuh ia ki paibah bad ban iada ia ka hok jong ki khynnah.

Kane ka jingiaid paidbah ka dei da ka jingthmu ban pynsngewthuh ia ki paidbah, ban pynshlur ia ka jingiashim bynta lang jong ka imlang sahleng bad ban pynkhlañ ia ki jingpyrshang ban rat dyngkhong ia ka jingpyniashong kurim khynnah ha ka district.

Ba bteng na Sla 1

Manla ki jaitbynriew ki synniang da kaba buh hakhmat eh ia ka bha

paid hapoh jong ka ri, kumta ka long kaba kongsan ban iada ia ka bha ka miat jong baroh ki kynhun.

Ha kaba iadei bad ki mat kiba la pynpaw ha ka dorkhas, u Myntri Rangbah ula kren halor ka jingtyrwa halor ka jingsngewkhia ban kynthup ia ka ktien Koch bad ula pynthikna ia kiba ka sorkar kan sa khmih bniah ia kane ka mat. Ula pynpaw ba ka jylla ka dei ka iing ia kiba bun tylli ki jaitbynriew, kaba kynthup ia ki Hajong, Rabha, Koch bad Maan bad ula banjar ia ka jingdonkam ban pdiang ia ka jingangnud jong baroh ki kynhun bad ban ioh ia ka jingmynjur da kaba iasyllok lyngba ki jingiakren.

Haba kren halor ka jingpyndonkam ia ka ktien Garo bad Khasi ha ki District Selection Committee Examination, ula pynshai namar ba ka ktien Garo bad Khasi ka lah dei lypa ka Associate Official Languages, kumta ka long kaba donkam ban pynthikna ba ka rukom iakren bad ka jingai jingshakri kan long kaba iaid beit.

"Ka Eksam DSC na ka bynta kano kano ka kyrdan kan ym dei ka ban leh lut baroh ha ka Garo ne Khasi. Kan don tang kawei ka 'Qualifying Paper' ha Garo ne Khasi, kan shong ha ka district ia kaba ki nongleh ia ka eksamin ki aplai".

U Myntri Rangbah ula pynshlur ia ki samla Koch ba kin shim kabu ia ki lad kum ia ka Chief Minister's Research Grant ban pynurlong ha kaba iadei bad ka jingpule ka jong ki.

Ka Dorkhas kaba la aiti da ka Association ka la pynpaw ia ki katto katne ki mat jingdawa, kaba kynthup ban ai jingmynjur ban pynlong ia ka ktien Koch kum ka 'Medium of Instruction' ha ki Lower Primary Level ha ki jaka kiba shong basah ki Koch hapoh jong ka National Education Policy 2020 ban ka pynneh pynshah ia kane ka ktien kaba la sdang ban duh jait bad ban kyntiew ia ka pule puthi.

Ka la dawa ruh ban don ia ka jingpynjynsur ia ka jinglah ia ka ktien ha ka jingaikam ajam bad ban ioh

ban pule ha ki jaka pule ia ki dkhot jong ka jaidbynriew Koch tad haduh ba kila don ia ki jaka pule kiba la biang pura.

Na ka liang jong ki, ki la kyrpad ban thung ia u nongialam shnong kum u Chairperson jong ka Village Employment Committee ha ki jaka rithor ban pynkhlañ ia ki shnong ki thaw ha ka jingpyntreikam ia ki prokram ban kyntiew ia ka thaiñ nongkyndong.

Shuh shuh la kyrpad ruh ban pyniar bad ban pynkhlañ ia ka jingshngaiñ jong ka Koch Boys' Hostel ha New Tura, kaba kynthup ia ka jingtei ia ka kynroh, ban tei ia ka jaka pynlong ia ka jingialang bad Cultural Hall ha Belbari ban kyntiew ia ka jaidbynriew bad ia ki kam kiba iadei bad ka kolshor.

Ha kane ka sngi la pynkut noh ia kane ka prokram da ki jingrwai bad ki jingshad tynrai ban rakhe ia ka jingriewspah ka jingdon jingem kaba naduh hyndai hynthai jong ki jaidbynriew Koch ha Meghalaya bad kyrpang ha thaiñ Garo Hills.

Sa u Narendra Modi uyor ki trai shnong Daistong ban pynsangeh ia ka Public Hearing ba be-aiñ

Sa kawei ka jingpyrshah ka dei halor ka jaka puta, ula kynnoh ba katei ka jingthied jaka ka la plie lad ia ka kynhun bym dei riwlum ban thied ia ka jaka riwlum da kaba pynkheñ ia ka Meghalaya Land Transfer Act.

"Naduh mynno phi lah shah ia ki bym dei ki riwlum ban thied jaka na ki riwlum?" ula buh jingkylli ia ka sorkar bad ka dawa ba dei ban ai jingpynshai ia kano kano ka jingpynkylla ia katei ka aif.

Ki nongshong shnong kila ong, ba kila leit mih sha u Deputy Commissioner, ka Meghalaya State Pollution Control Board bad kiwei kiwei ki tnad sorkar shwa ban pynlong ia ka Hearing, hynrei ym shym la don ki ban pynsngap ia ka jingkyrpad

ka jongki.

Ha ka dorkhas kaba la phah ha ka 9 tarik u Rymphang sha u Modi, Shah bym dei riwlum ban thied ia ka jaka kopi sha u MP ka Shillong u Dr Ricky AJ Syngkon, ha kaba u la ai jingthoh sha u Myntri ka Sorkar Pdeng uba khmih ia ka 'Tnad Forest ban kyrpad ban pynsangeh noh ia ki kam ki jam baroh.

Nalor kane, la phah ruh ia ka jingkyrpad sha u Nongialam ka Liang Pyrshah ka iing dorbar thawaiñ ka jylla u Dr Mukul Sangma.

Ki nongshong shnong ki la uyor ruh sha ka Meghalaya Human Rights Commission da kaba kynnoh "Ba ka la don ka jingiai bteng ban pynkheñ ia ki kyndon" ia ka hok longbrierw manbrierw

kaba iadei bad ka Environmental Public Hearing kaba la pynlong ha ka shnong ha u Nohprah jong u snem ba la dep.

Kane ka jingujor kaba la mudui hapoh jong ka Protection of Human Rights Act, 1993, ka la kyrpad ia ka Commission ban tuklar, kaba ki nongshong shnong ki la shim ba ka dei ka jingleh bym iahap ha ka Hearing kaba la pynlong ha ka 19 tarik u Nohprah 2025.

"Ngi ai ka jingshaniah kaba skhem bad ngi kyrpad da kaba sngewrit ba phin shimkhia ia kane ka kam bad ban leh ia kaba donkam na ka bynta ka bha ka miat jong ka hok, ka jinglong kordor jong ki brierw bad ka jingsynshar ka aif" la pynpaw haka jingujor.

Sa u myntri ka sorkar pdeng ai jingthoh u MP ka Shillong ban ym ithuh ia ka Public

Myntri Rangbah duh ka ri u Narendra Modi bad sha u Myntri kam pohiing ka ri u Amit Shah ban pyntip ba ka Dorbar Shnong ka la ai ia ka NOC bad iasoi ia ka soskular bad ka kompani khlem ka jingtip jong ki paidbah. Nalor kata ki la ong ba kane ka karkhana ruh ka don hajan ka krem Laitprah-Labit kaba dei ka krem ba jrong tam ha Asia bad kaba bun bah ki dohkha shapoh krem.

U Dr Syngkon u la pynpaw shuh shuh ba kane ka karkhana kaba 0.95 mtpa clinker unit bad 0.99 mtpa cement unit kaba donkam ruh palat ia ka 25 hectares ka jaka lada iaid shakhmat khlem ka jingshai ki paidbah ka khiring ia ka jingiakhih pyrshah ki paidbah. Kum u MP jongka Constituency lada leh bym suidñiew ia kane bad pyniaid shakhmat un rah ia kane ka kam ym tang ha Parliament hynrei da kiwei kiwei ki lynti ka aif ruh." Hynrei nga kyrmen skhem ba kan ym poi haduh uta u pud namar nga neit skhem ba ka tnad ngan sngap ia kane ka jingpyrshah ki paidbah bad na nga ruh kum u MP ruh" ong u Dr Syngkon.

Kumta u kyntu ia ka tnad ba dei peit ba kim dei ban ai kano kano ka jingbit khlem pat da shai kdar ki paidbah bad khlem da bishar bniah ia ka kam.